

ხელშეკრულება №3  
სახელმწიფო შესყიდვების შესახებ  
(კონსოლიდირებული ტენდერი №CON15000074)

15 იანვარი 2016 წელი

ერთის მხრივ, ააიპ თვითმმართველ ქალაქ "ქალაქ მცხეთის მუნიციპალიტეტის" კეთილმოწყობის სამსახური (შემდგომში-შემსყიდველი), წარმოდგენილი მისი დირექტორის ნოდარ კაპანაძის სახით და მეორეს მხრივ, შპს "დეკორი" (შემდგომში- მიმწოდებელი), წარმოდგენილი მისი დირექტორის დიმიტრი კვეციანის სახით "სახელმწიფო შესყიდვების შესახებ" საქართველოს კანონის 20<sup>2</sup> მუხლის, სახელმწიფო შესყიდვების სააგენტოს თავჯდომარის 2015 წლის 20 მარტის #2 ბრძანებით დამტკიცებული A4 ფორმატის უმაღლესი ხარისხის საბეჭდი ქაღალდის კონსოლიდირებული ტენდერის ჩატარების წესისა და პირობების აგრეთვე „2016 წლის საბეჭდი ქაღალდის სახელმწიფო შესყიდვის კონსოლიდირებული ტენდერების საშვალეებით განხორციელების თაობაზე“ საქართველოს მთავრობის 2015 წლის 3 დეკემბრის #2585 განკარგულების საფუძველზე. საბეჭდი ქაღალდის 2016 წლის კონსოლიდირებული ტენდერის (№CON15000074) (შემდგომში-კონსოლიდირებული ტენდერი) შედეგად, ვდებთ წინამდებარე ხელშეკრულებას შემდეგზე.

**მუხლი 1. ტერმინთა განმარტებები**

- 1.1. ხელშეკრულება - წინამდებარე სახელმწიფო შესყიდვის შესახებ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტითურთ.
- 1.2. შემსყიდველი - ორგანიზაცია, რომელიც ახორციელებს შესყიდვას.
- 1.3. მიმწოდებელი - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.4. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და გეროვანი შესრულებისათვის.
- 1.5. დღე, კვირა, თვე - კალენდარული დღე, კვირა, თვე
- 1.6. ფორსმაჟორი - მოცემულ შემთხვევაში აუცილებელი დაუძლეველი ძალა, რომელიც დგება მხარეთა დამოუკიდებლად და ატარებს წინასწარ გაუთვლისწინებელ ხასიათს, კერძოდ, მიწისძვრა, წყალდიდობა, ხანძარი, ომი, რევოლუცია, აჯანყება, იმპორტისა და ექსპორტის აკრძალვა, აგრეთვე სხვა გარემოება, რომელიც შეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.

**მუხლი 2. ხელშეკრულების საგანი**

- 2.1 ხელშეკრულების საგანი 2016 წლის სახელმწიფო ბიუჯეტიდან მიღებული თანხის ფარგლებში ა/4 ფორმატის უმაღლესი ხარისხის საბეჭდი ქაღალდის (CPV კოდი- 30197630 ) შესყიდვა ამ ხელშეკრულებით გათვალისწინებული ანაზღაურების საწევლოდ.
- 2.2. ხელშეკრულებით გათვალისწინებული საგნის აღწერა მოცემულია დანართ №1-ში, რომელიც წარმოადგენს ხელშეკრულების განუყოფელ ნაწილს.

**მუხლი 3. ხელშეკრულების საგნის ღირებულება**

- 3.1. ხელშეკრულების საგნის ღირებულება შეადგენს 78,60 (სამოცდათერთამეტი ლარი და 60 თეთრი) ლარს.
- 3.2. ხელშეკრულების საგნის საერთო ღირებულება მოიცავს საქონლის შესყიდვასა და მიწოდებასთან დაკავშირებულ ანაზღაურებას საქართველოს კანონმდებლობით გათვალისწინებული ყველა სახის გადასახადის და მოსაკრებლის ჩათვლით.

**მუხლი 4. მიღება-ჩაბარება და ანგარიშგორება**

- 4.1. საქონლის მიღება დასტურდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერით მიღება-ჩაბარების აქტით ან/და ანგარიშ-ფაქტურით. შემსყიდველის მხრიდან მიღება-ჩაბარების აქტის და ანგარიშ-ფაქტურის ხელმოწერაზე უფლებამოსილია წინამდებარე ხელშეკრულების 7.1 პუნქტში მითითებული პირი.

4.2. მიმწოდებელთან ანგარიშსწორება ხდება ფაქტობრივად მიწოდებული საქონლის შესაბამისად, უნაღდო ანგარიშსწორების ფორმით ეროვნულ ვალუტაში მიმწოდებლის მიერ ხელშეკრულებაში მითითებულ საბანკო ანგარიშზე.

4.3 ანგარიშსწორება განხორციელდება საქონლის მიღება-ჩაბარების აქტის ან/და ანგარიშფაქტურის გაფორმებიდან 5 (ხუთი) სამუშაო დღის ვადაში, მაგრამ არაუგვიანეს საბჭოედი ქალაქის მიწოდებიდან 10 (ათი) სამუშაო დღის განმავლობაში.

#### მუხლი 5. საქონლის მიწოდების ადგილი და ვადა

მიმწოდებელი საქონლის მიწოდებას უზრუნველყოფს ხელშეკრულების დადებიდან, 2016წლის 10 აპრილის ჩათვლით ეტაპობრივად ქ.თბილისის ტერიტორიაზე. შემსყიდველის მოთხოვნის შესაბამისად თვეში ერთხელ, არაუგვიანეს 3 (სამი) სამუშაო დღის ვადაში (3 სამუშაო დღე იგულისხმება შეკვეთის მიღებიდან მომდევნო 3 სამუშაო დღე) და შემსყიდველის მიერ მითითებულ მისამართზე მხოლოდ და მხოლოდ ქ.თბილისის ტერიტორიაზე. ქ.თბილისის ფარგლებს გარეთ არსებულ სახელმწიფო ორგანიზაციებს რომლებსაც ევალებათ კონსოლიდირებული ტენდერის ფარგლებში შეისყიდონ საბჭოედი ქალაქი საქონლის გატანა შეუძლიათ ქ.თბილისი აკაკი ბელიაშვილის #157 და კახეთის გზატკეცილი 108. ქ.ქუთაისი ორახელაშვილის #14.

#### მუხლი 6. მხარეთა უფლება-მოვალეობანი

6.1 შემსყიდველი უფლებამოსილია:

ა) წებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) გამოითხოვოს მიმწოდებლისგან ხელშეკრულების პირობების შესრულებასთან დაკავშირებული დოკუმენტები;

გ) ამ მუხლის 6.3 პუნქტის "გ" ქვეპუნქტით გათვალისწინებული ვალდებულებების შეუსრულებლობის შემთხვევაში თავად მიიღოს ზომები ნაკლის აღმოსაფხვრელად და მოსთხოვოს მიმწოდებელს შესაბამისი ხარჯის ანაზღაურება.

6.2. მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.3. მიმწოდებელი ვალდებულია:

ა) ჯეროვნად, კეთილსინდისიერად, დათქმულ დროსა და ადგილას შეასრულოს ხელშეკრულებით გათვალისწინებული ვალდებულებები.

ბ) გადასცეს შემსყიდველს უფლებრივად და ნიეთობრივად უნაკლო საქონელი.

გ) შემსყიდველის შეტყობინების მიღებიდან არაუგვიანეს 10 (ათი) სამუშაო დღისა განახორციელოს უხარისხო საქონლის ან მისი ნაწილის შეცვლა ან შეკეთება შემსყიდველის მხრიდან დაშატებითი ხარჯების გაწევის გარეშე.

#### მუხლი 7. ხელშეკრულების ინსპექტირების პირობები

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველი ორგანიზაციის წარმომადგენელი მთ.ბუღალტერი ნანი კვინიკაძე.

7.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე შესყიდული საქონლის ხარისხის შემოწმებას.

7.3. მიმწოდებელი ვალდებულია, უზრუნველყოს ინსპექტირების ჩატარება საკუთარი პერსონალით, ტექნიკური საშუალებებითა და სხვა სამუშაო პირობებით. ინსპექტირების მიზნით გამოყენებული საკუთარი ან მოწვეული პერსონალის შრომის ან ანაზღაურებას უზრუნველყოფს შემსყიდველი.

7.4. ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

#### მუხლი 8. პირგასამტებლო

8.1. ხელშეკრულებით ნაკისრი ვალდებულების შეუსრულებლობის შემთხვევაში, მიმწოდებელ მხარეს დაეკისრება პირგასამტებლო ხელშეკრულებით დარჩენილი რაოდენობის 5%-ის ოდენობით, ხელშეკრულებით ნაკისრი ვალდებულების შესრულების ვადის გადაცილების შემთხვევაში.

8.2 მიმწოდებელი უფლებამოსილია შემსყიდველ ორგანიზაციას დააკისროს ჩაბარებული საქონლის 0,05% პირგასამტებლო ყოველ ვადაგადაცილებულ დღეზე ხელშეკრულების ფარგლებში ნაკისრი ვალდებულებების შეუსრულებლობის შემთხვევაში.

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეული ფორსმაჟორით.

9.2. თუ ერთ-ერთი მხარე ფორსმაჟორის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3. მხარეთა პასუხისმგებლობა და ვალდებულებები განახლდება ფორსმაჟორის მოქმედების დასრულებისთანავე.

**მუხლი 10. ხელშეკრულებაში ცვლილების შეტანა და ხელშეკრულების შეწყვეტა**

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.3. ხელშეკრულება შეიძლება შეწყდეს:

- ა) მხარეთა ინიციატივით, ურთიერთშეთანხმების საფუძველზე;
- ბ) თუ შემსყიდველისთვის ცნობილი გახდება, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) თუ მიწოდებლის მიმართ დაიწყება გაკოტრების საქმის წარმოება
- დ) საქართველოს კანონმდებლობით გათვალისწინებულ სხვა შემთხვევებში.

**მუხლი 11. დავები, მათი გადაწყვეტის წესი და გამოსაყენებელი სამართალი**

11.1. ხელშეკრულებიდან გამომდინარე ყველა დავა გადაიჭრება ურთიერთშეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11.2. ხელშეკრულება დადებულია საქართველოს კანონმდებლობის შესაბამისად და მისი დებულებები განიმარტება საქართველოს კანონმდებლობის მიხედვით.

**მუხლი 12. შეტყობინება**

12.1. ხელშეკრულებიდან გამომდინარე ნებისმიერი შეტყობინება უნდა გაიგზავნოს წერილის სახით ან ელექტრონული ფოსტის მეშვეობით, ორიგინალის შემდგომი წარმოდგენით.

12.2. ყველა სახის შეტყობინება საქონლის მოთხოვნა(საქონლის შეკვეთა) შესაძლებელია მხოლოდ და მხოლოდ ოფიციალური წერილის საფუძველზე მისამართზე ქ.თბილისი აკაკი ზელიაშვილის 157 ან ელექტრონული ფოსტის მეშვეობით მისამართზე [dekor@dekor.ge](mailto:dekor@dekor.ge). შეტყობინება ძალაში შედის ადრესატის მიერ მისი მიღებიდან მომდევნო სამუშაო დღეს.

**მუხლი 13. გადასახადები და დაბეგვრა**

13.1. მიწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახადების გადახდაზე, თუ ხელშეკრულების პირობებით სხვა რამ არ არის გათვალისწინებული.

13.2. კონსოლიდირებული ტენდერის ფარგლებში საბეჭდი ქაღალდის მიწოდებისას ანგარიშსწორება ხორციელდება უნაღდო ფორმით ეროვნულ ვალუტაში და მოიცავს საქართველოს კანონმდებლობით დადგენილ ყველა გადასახადს. შემსყიდველი ორგანიზაცია ვალდებულია, მიწოდებლის მიერ საგადასახადო ანგარიშ-ფაქტურის წარმოდგენიდან 5 სამუშაო დღის ვადაში დაადასტუროს ან უარი თქვას ანგარიშ-ფაქტურის დადასტურებაზე შესაბამისი დასაბუთებით. ანგარიშსწორება განხორციელდება ანგარიშ-ფაქტურის დადასტურებიდან 5 სამუშაო დღის ვადაში

**მუხლი 14. ხელშეკრულების ენა**

ხელშეკრულება შედგენილია ქართულ ენაზე ორ ეგზემპლარად, ერთი ეგზემპლარი ინახება მიწოდებელთან, ერთი-შემსყიდველთან

**მუხლი 15. ხელშეკრულების მოქმედების ვადა**

ხელშეკრულება ძალაშია მისი ხელმოწერის დღიდან და მოქმედებს 2016 წლის 10 აპრილის ჩათვლით. ხელშეკრულებით გათვალისწინებული საბეჭდი ქაღალდის მიწოდების ვადა სატენდერო წინადადების მიწოდების ვადას შესაძლებელია აღმატებოდეს 10 სამუშაო დღით.

დირექტორი

\_\_\_\_\_

დირექტორი

\_\_\_\_\_



დანართი N1

### ხელშეკრულების საგნის აღწერა

შესყიდვის ობიექტია უმაღლესი ხარისხის საბეჭდი ქაღალდი:

N <sup>o</sup>	დასახელება და ტექნიკური მარკენებლები	განზომილები ს ერთეული	რაოდენობა	ერთეულის ფასი (ლარი)	საერთო ფასი (ლარი)
1	უმაღლესი ხარისხის საბეჭდი ქაღალდი-NAVIGATOR universal ; შწარმოებელი ქვეყანა-პორტუგალია; გრამაჟი-80(გრ/მ2) სისქე(UM)-110; სითეთრე (CIE)169; გაუმჭვირვალობა- 95%; სიკაშკაშე -112%; ზედაპირის ხაოიანობა (ML/MIN)120; შეკვრაში ფურცლების რაოდენობა -500;	შეკვრა (500 ფურცლიანი)	12	6,55	78,60
სულ ჯამი დღგ-ს ჩათვლით					78,60 (სამოცდათერამეტ ილარი და60 თეთრი) ლარს.

შემსყიდველი:

აიპ თვითმმართველ ქალაქ „ქალაქ მცხეთის მუნიციპალიტეტის“ კეთილმოწყობის სამსახური

ს/კ 436036246

მის: ქ. მცხეთა, ლეინჯილიას ქ.#1

სახელმწიფო ხაზინა



მიმწოდებელი :

შპს „დეკორი“

ს/კ 203868635

ქ.თბილისი, ზელიაშვილის # 157

პროკრედიტ ბანკი

ა.ნ GE66PC0133600100062479

MIBGGE22

ტელ:2240505, 599100474



დირექტორი

*[Signature]*

მიღება-ჩაბარების აქტი

ქ.თბილისი

15 იანვარი 2016წ

ჩვენ ქვემოთ ხელის მომწერნი ერთის მხრივ ააიპ თვითმმართველ ქალაქ „ქალაქ მცხეთის მუნიციპალიტეტის“ კეთილმოწყობის სამსახური მისამართი ქ. მცხეთა, ღვინჯილიას ქ.#1 მისი დირექტორის ნოდარ კაპანაძის სახით, და მეორეს მხრივ შპს „დეკორი“ წარმოდგენილი მისი დირექტორის დიმიტრი კვეცივესკირის სახით (ჩაბარებელი), ვადასტურებთ, რომ 2016 წლის 15 იანვარს პირველმა მიიღო, ხოლო მეორემ ჩააბარა 2016 წლის 15 იანვრის N 3 ხელშეკრულებით გათვალისწინებული საქონელი რომლის ჯამური ღირებულებაა 78,60 ლარი.

დასახელება	რაოდენობა	ერთეულის ფასი(ლარი)	ჯამი(ლარი)
ქაღალდი A4	12 (შეკვრა)	6,55	78,60

ააიპ თვითმმართველ ქალაქ „ქალაქ მცხეთის  
მუნიციპალიტეტის კეთილმოწყობის სამსახური

ნოდარ კაპანაძე  
დირექტორი



შპს „დეკორი“

დიმიტრი კვეცივესკირი  
დირექტორი

